

影印
文淵閣

四庫全書

影印

文淵閣四庫全書

第五九九冊

北京出版集團公司
北京出版社

本冊目次

太常續考

明 不著撰人……………一

土官底簿

明 不著撰人……………三三二

詞林典故

清 鄂爾泰等奉敕撰……………四二一
張廷玉

欽定四庫全書

史部
太常續考卷一

欽定四庫全書

史部十二

太常續考

職官類一官制之屬

提要

臣等謹案太常續考八卷不著撰人名氏考書中所錄蓋明崇禎時太常寺官屬所輯也凡祭祀典禮皆詳悉具載雖不免為案牘簿籍之文而沿革損益之由名物度數之細條分縷晰多明史禮志明會典明集禮及嘉靖祀典之所未載蓋總括一代之掌故則體貴簡要專錄一官之職守則義取博賅言各有當故詳畧迥不同也況集禮作於洪武會典作於成化嘉靖祀典惟載一時更張之事自世宗以後百餘年之典制記載闕如此書職官題名終於崇禎十六年則一代儀章始末尤為完具固數典者所不可廢矣乾隆四十四年二月恭校上

詳校官編修_臣曹振鏞

編修_臣程嘉謨覆勘

總校官中書_臣朱 鈐

校對官中書_臣葉 葵

謄錄監生_臣高應龍

總纂官_臣紀昀_臣陸錫熊_臣孫士毅

總校官_臣陸費墀

欽定四庫全書

太常禮
部

欽定四庫全書

太常禮考卷一

勅諭神樂觀

開基守業必勤政為先趨事赴公非信誠必責傳不云乎國之大事在祀與戎曩古哲王謹斯二事而上帝皇祇悅賜天下安和生民康泰朕起寒微而君宇內去古之道猥時以奉上下神祇其於祀神之道若或不潔則非為生民以祈福而保已命也昔劉康公成肅公會晉侯伐秦祭於社稷之神然後興師當祭之時畢則有受胙之禮其受之時必思洋洋乎其在上而穆穆然或左而或右委心慎敬而受之則祥故敬勝怠者吉怠勝敬者滅所以成肅公受胙之時起慢神不恭之貌因伐秦而卒是以知敬者必有動作禮義威儀之則以定命也於斯祀神之道能者養之以福不能者敗以取禍是故君子勤禮小人盡力勤禮莫如致敬盡力莫如敦篤敦在養神篤在守業朕觀古人之敬神也若是其驗禍福

欽定四庫全書

太常禮
部

亦若是斯可謂無神而不信乎可謂佞神而祈福乎二者皆不可惟敬之以禮而已朕設神樂觀備樂以享上下神祇所以撥錢糧若干以供樂舞生非倣前代帝王求長生之法而施之然長生之道世有之不過修心清淨脫離幻化速疾去來使無艱阻是其機也於戲昔殷周之父老何存漢唐之耆宿安在果長生之道乎朕設神樂觀以備樂碑之於觀以示後世其觀主不潔樂生不精瞻生不足以此觀之不但君不勤於祀事其朝臣則國有常憲故茲勒石想宜知悉洪武十二年十二月日

勅諭神樂觀提點

朕設神樂觀備五音奉上下神祇其勅居觀者皆慕仙之士其仙之教也或云始廣成子流傳至漢曰道士凡此者多孤處雲居棲巖屋樹是則宜其修也晨昏息心以去玄覽宵晝仰觀俯察以滌宿世之冤愆措今生之

欽定四庫全書

太常續考
卷一

二

善行俄爾有知則倏然忽然躡雲衢而神遊八極往無不達交無不接如此者安得不與神通故有飛神謁帝直與人辭者斯可謂修之至也今見修道士某雖未若此其志已處清虛特命職格神郎五音都提點正一仙官領神樂觀事爾中書吏部如勅施行諭往欽哉

勅諭神樂觀知觀

朕聞軒轅時崆峒有修者其教獨善其身而已效之者往往津逮至漢天師張道陵致神修忽飛符役劍轉斗移

欽定四庫全書

太常續考
卷一

三

星其幹旋造化人莫知其然今之道士祖而效之雖未若是人皆清淨斯可職而奉神彼得樂於修煉者也神樂觀已命正官掌領觀事尚缺分理者部諸樂生以聽陳舉今見修道士某可授清淨五音知神樂觀事爾中書吏部如勅施行使往欽哉洪武十二年十二月日

皇帝御製太常寺箴

為國之要事神理民太常典祀式交百神昔予祖考致嚴祀享厥有純誠敬恭協相朕承丕緒思用允迪爾祇

爾肅以輔以翼儀度必飭潔盛必潔無黷無慢凜乎對越事神之本惟心之虔豈直臨事平居有嚴神之鑒矣來歆來止神之歆矣民之福矣無曰冥冥洋洋有臨汝惟懋哉其慎其欽宣德七年六月日

皇帝勅諭太常寺官

勅諭本寺
香帛庫

朕惟祀神國之大事太常職典三禮協敬同誠以格神明非庶職之可比爾其念哉夫廟宇壇墀惟修惟潔汛掃以時惟爾之職犧牲粢盛惟豐惟備時惟馨香惟爾

欽定四庫全書

太常續考
卷一

四

之職珪幣香祝薦獻之具樂舞之設咸用整飭惟爾之職爾一念不誠一事不恭一物不備皆為不敬其可不慎凡典守壇廟及諸執事爾恒戒警之俾約其縱心存其誠心以時共事進退周旋動合禮節惟爾克正乃克正人敬以存心庶以守身勤以蒞事躬斯三者人孰不正凡爾僚屬同心一志庶諧厥任彼或不恭越禮廢事爾具以聞必斥去之罔俾不良預我裡典爾克齊潔一心昭事天地鬼神以迓禎祥上佑我國家下福我臣民

惟爾祿位亦保永久欽哉故諭宣德十年六月日

聖旨說與太常寺及神樂觀提點壇官人等恁每職專奉祀天地一應事務須用竭誠盡敬親自打點都照洪武年間例行壇內壇外務要令人打掃十分潔淨不許縱放閒雜之人採打柴草出入作踐褻瀆神明祭服祭器等件也要十分照管收拾齊整不許拋棄損壞協律贊禮等官及樂舞生都要時常點閱不許縱其在外非為附近壇所田不許縱人栽種及牧放牲口作穢其養牲官員務在提督旗軍以時牧放如法喂飼不許賣放私占及克減草料瘦損牛羊違者皆處以重罪不饒已令御史給事中錦衣衛官暗行巡緝捉拏每宜十分警省常存敬謹纖毫不要怠忽庶幾神明鑒悅以副朕恭事之意故諭

欽定四庫全書

太常續考
卷一

五

聖旨說與太常寺及山川壇官人等恁每職專奉祀山川神祇一應事務須用竭誠盡敬親自打點都照洪武年間例行其殿宇廊廡及神厨神庫等房并内外空地

務要令人着實打掃十分清潔不許縱放閒雜之人進去作踐褻瀆神明祭服祭器等項也要十分照管收拾齊整不許拋棄損壞壇外除栽種黍稷稻粱供祀外其餘附近田地不許縱人栽種及牧放牲口作穢違者處以重罪不饒已令御史給事中錦衣衛官暗行巡緝拏獲每宜十分警省常存敬謹纖毫不許怠忽庶幾神明鑒悅以副朕恭事之意故諭

欽定四庫全書

太常編考
卷一

六

廟一應事務須用竭誠盡敬親自打點都照洪武年間例行其殿宇廊廡及神厨神庫等房并内外空地務要令人着實打掃十分清潔不許縱放閒雜之人進去作踐褻瀆神明祭服祭器供器等項也要十分照管收拾齊整不許拋棄損壞附近之處不許縱人栽種及作穢違者處以重罪不饒已令人暗行巡緝拏獲每宜十分警省常存敬畏纖毫不要怠忽庶幾神明鑒悅以副朕恭事之意故諭

聖旨訖與神宮監及太常官員人等恁每職專奉祀社稷凡一應事務須用竭誠盡敬親自打點都照洪武年間例行其壇場及神厨神庫等項并内外空地務要令人着實打掃十分清潔不許縱放閒雜之人進去作踐褻瀆神明祭服祭器供器等項也要十分照管收拾齊整不許拋棄損壞附近之處不許縱人栽種及作踐違者處以重罪不饒已令人暗行巡緝拏獲每宜十分警省常存敬畏纖毫不要怠忽庶幾神明鑒悅以副朕恭事之意故諭宣德十年六月日

欽定四庫全書

太常編考
卷一

七

大祀源流事宜

祀有三曰大祀曰中祀曰小祀大祀曰天地宗廟社稷陵寢中祀曰朝日夕月太歲帝王先師先農旗纛小祀曰后妃嬪太子王妃公主及夫人曰三皇曰先醫曰五祀曰司火曰都城隍曰東嶽曰京倉曰啓聖公曰漢壽亭侯曰文丞相曰姚少師曰北極佑聖真君曰金闕王闕真君曰司牲傳曰國之大事在祀與戎昔者竊疑之

祀也而等之戎乎然孔子曰俎豆之事則嘗聞之軍旅之事未之學也蓋祀之重重於戎矣獨奈何其等之也夫禮非天子不議非聖人不作非百年不興其難言如此高皇

帝開天御世首嚴郊廟之禮迨肅皇帝益光大而損益之或先分後合或先合後分或特享或合享中間反覆區畫既度諸古又度諸今既度諸情又度諸禮即纖悉曲折必求其當乃已我太祖皇祖之心真若上帝之臨其上祖考之當其前而以一格享為快者蓋不待燔瘞灌獻之文而

欽定四庫全書

太常續考
卷一

聖心之仁孝固已格於皇天而惠於祖考矣故曰明乎郊社之禮禘嘗之義治國其如視諸斯乎明其義者明其心之謂也而議者曰分乎合乎特廟乎同堂乎竊竊焉數之固哉或曰同堂異室古乎曰非古也自漢以來未之有改也其未之改何也曰禮時為大夏言氏之議備矣曰郊祀之分也如祖制何曰我太祖初嘗分祀矣夫皇祖亦猶率舊之章也曰父母合食太祖不有訓乎曰夫父母惟其子之肖耳子而肖矣即合而饋之分而饋之奚不可哉故曰

因心之謂禮以義起之謂禮乃竊竊焉當其合則言分當其分則言合將紛紛之議何時定耶固哉議者議者固哉或曰若是則今之禮遂無可議乎

郊祀

吳元年建園丘於鍾山之陽以冬至祀昊天上帝建方丘於鍾山之陰以夏至祀皇地祇洪武元年二月上勅禮官太常曰昔聖帝明王嚴於祭祀內致誠敬外致儀文朕膺天命首崇祀事顧草創之初典禮未備何以交神明致靈

欽定四庫全書

太常續考
卷一

九

貺其博考郊禮以聞丞相李善長學士陶安太常卿胡惟庸等議祀天園丘以大明夜明星辰雲雷從原太歲今祀

地方丘以嶽鎮海瀆從上從之撰二丘樂章安等又議古者天子五冕祭天地宗廟社稷諸神各有所用請製之上以五冕禮太繁惟天地宗廟社稷服袞冕餘祀服通天冠絳紗袍二年奉仁祖配天地位西向時中都亦有南北丘焉五年令皇帝郊祭太子留宮居守親王戎服從七年上以大祀正獻畢始分獻未安諭學士詹同宋濂議請初獻

奠玉帛分獻官即初獻亞終獻如之上曰善八年詔翰林議郊祀登壇脫鵠禮尋以學士樂韶鳳奏罷之是年始奏上所撰樂章九年令郊祀大事國有三年喪不廢十年春上感齋居陰雨曉京房災異之說始定合祀禮上更撰樂章八月即圜丘為大祀殿壇而屋之罷方丘十一月丁亥合祀於奉天殿其祝文曰曩者建國之初遵依古制祀以南北之郊御名周旋九年以來見古人之意固誠於禮未為然也且人君者父天母地其仰瞻覆載無不思也及其

祀也則有南北之壇終不會祀以人事度之為子之道致父母異處安為孝乎今也大壇鼎建未完朝堂新造已備時當冬至謹合祀於殿廷自今已後每歲合祀於春時永為定禮以皇考仁祖淳皇帝配神惟上帝皇祇鑒之十二年正月壇成始合祀於大祀殿昊天上帝后土皇地祇並南向仁祖配位如故從祀丹墀四壇曰大明曰夜明曰星辰又曰星辰內壇外二十壇曰五嶽壇五中嶽壇以鍾山附曰五鎮壇五曰四海壇四曰四瀆曰風雲雷雨曰山川

曰太歲曰天下神祇曰歷代帝王各壇一凡二十四壇大臣分獻禮成上大喜作大祀文並歌九章其辭曰朕聞太極之化也天生於子地闢於丑位極既定虛其中而為橐宇是時人生於寅樂居兩間人生既多非聖莫馭天生君主為民立命然鴻荒之時莫知誰始今載於書始自伏羲相繼而至唐虞以及夏商周斯數君者開天立極首興彝倫者乃前伏羲神農黃帝是也法三皇而守行者少昊顓頊高辛唐虞其益損禮樂文飾其事者獨夏商周也下至秦漢以及宋元亦然嗚呼天惟自然而常者三綱五常也皆聖人度人情而措彛倫特不逆其性務從其善未嘗有異此道而為人君者也每聞昔君欽若昊天莫敢有怠朕即位以來命儒臣徧求羣書自周以至宋元皆著祀典守而行之然當行祀之時惟宗廟頗合人情南北二郊以及社稷甚有不合人情者以社稷言之古人以社為五土之神稷為五穀之神土主發生五穀用之以生而乃一圓之中各壇而祭是土穀不合於生生之意也行禮之時先社

固宜也又先奠社配乃行稷神之禮此果合人情乎況朕自即位以來祀天享地奉宗廟社稷每當齋期必有風雨臨祭方斂每以為憂京房有云郊祀鬼神必天地雍和神乃答矣若有飄風驟雨是為未善於是自洪武十年更祀社稷於闕右去繁就簡一壇合祀以奉二神神乃我答人情懽悅後洪武十一年命三公率工部役梓人於京城之南創大祀殿合祀皇天后土是年冬十二月三公奏告工成朕命禮部云前代之祭期歲止一祀朕度古人之祀

欽定四庫全書

太常續考

卷一

南北郊彼以義起故曰南郊祭天以其陽生之月北郊祭地以其陰生之月孰不知至陽祭之於至陰之月至陰祭之於至陽之月於禮可疑且掃地而祭其來甚遠言祀天地尚質不尚華固執古不變至今天地之享與人不可異朕以斯禮執古不變則人之享亦執古而不變乎若人執古則汙尊抔飲茹毛飲血巢居穴處今可行乎斯必不然因命太常卿每歲祭天地於首春三陽交泰之時遂於洪武十二年正月十有一日合祀天地前

期致齋五日內二日以告仁祖三日正齋風和日暖及

夜陞壇山川草木不搖江海息波輕雲縹緲於昊穹獨

見太陰於中天纖塵不動銀燭舒光香烟裊繞斯必神

之降臨合祀宜也朕雖失學無文特述其事而歌咏之

歌章不此載是年上命禮官陶凱曰經言鬼神無常享享於

克誠人謹方寸於此而能格鬼神於彼由至誠也然人

心操舍無常必有所警而後無所放其鑄銅人高一尺

五寸執簡書曰齋戒三日凡致齋之期致朕前庶朕心

欽定四庫全書

太常續考

卷一

有所警省而不敢放

此進銅人之始

二十一年增修壇壝殿丹

墀中疊石為臺東西相向為壇四內壝外為壇二十亦

東西相向以文武大臣及近侍官二十四人分獻罷朝

日夕月崇星之祭并罷太歲風雲雷雨嶽鎮海瀆山川

月將城隍歷代帝王之春祭三十二年

即建文元年

撤仁祖

位更奉太祖高皇帝配文皇帝即位亦如之永樂八年

上巡北京命皇太子攝遣禮部尚書復命十八年京師

大祀殿成規制如南京行禮如前儀增附天壽山於北

嶽壇然上歲仍親祀於南京有事則遣官祭告洪熙元年增文皇帝配位太祖下西向嘉靖九 years 上銳意太平考正禮樂給事中夏言以分祀請下廷臣議主分祀者右都御史汪鋐中允廖道南編修程文德等八十二人主分祀而以成憲及時諠為言者大學士張璁等八十四人主分祀而以山川壇為方丘者尚書許瓚等二十人主合祀而不以分祀為非者尚書方獻夫侯郭勛編修徐階等二百六人漫不可否者英國公張崙等一

欽定四庫全書

太常寺考卷一

上

百九十八人上曰分祀禮也遂作園丘於舊天地壇南其制度曲折皆上所裁也諸臣莫能贊焉是年始以歲孟春上辛日記上帝於大祀殿舉祈穀禮夏言言虞夏殷周四代之郊惟配一祖至唐宋乃有三祖同配之謬祖宗並配父子同列於經制非宜請倣周后稷配天文王明堂配帝之意南北二郊奉太祖配祈穀奉文皇帝配下廷議羣臣以為不可疏留中不報言再請上怒羣臣違君叛禮令祈穀二祖并配二郊專奉太祖配十年

改以啓蟄日行祈穀禮於園丘仍止奉太祖配十七年薦大號於天改昊天上帝稱皇天上帝是年上欲仿周明堂之制宗祀皇考以配上帝詔舉大享禮於玄極寶殿奉睿宗獻皇帝配十八年春又改行祈穀禮於玄極寶殿不奉配玄極寶殿者大內欽安殿也殿建於宮右自行大享祈穀禮改今名云二十四年撤舊大祀殿改建泰享殿命禮部歲以季秋奏請卜吉行大享禮併擬行祈穀禮於殿中比殿成而大享祈穀仍於玄極寶殿

欽定四庫全書

太常寺考卷一

五

遣官行禮以為常隆慶元年莊皇帝即位遵遺詔詔禮官議郊廟禮禮官高儀言明堂大享雖古禮然制度不可考皇考視睿宗為嚴父皇上視睿宗則為皇祖若以今日仍奉睿宗配帝似與周祀文王之義不協元日祈穀禮經有之然行禮之詳不可考見我國家先農之祭即祈穀遺意既祭先農復云祈穀二祀並行不無煩數且玄極寶殿乃禁嚴內地而大享祈穀陪祀從臣宵分出如體統何臣等謹奉明詔會同文武大臣九卿科

道等官都尉謝詔等議大享祈穀並罷之宜上曰可於是大享祈穀不復行玄極寶殿仍改為欽安殿而二郊分祀如故每歲冬至上大祀天於園丘夏至大祭地於方澤國有大事則祭告焉

冬至園丘事宜

園丘壇 壇建於正陽門外南左三里許為制三成壇面并週欄俱青礪磚東西南北階九級俱白石內樞星門四座南門外東南砌綠燎爐燔柴焚祝帛傍砌毛血

欽定四庫全書

太常編考
卷一

上六

池西南築望燈臺祭時懸燈於竿末

崇禎九年冬至奉
上傳添設共三燈

外樞星門亦四座南門外左設具服臺東門外建神庫神厨祭器庫宰牲亭北門外正北建皇穹宇翼以兩廡外又建四天門東曰泰元門南曰昭亨門門左右牌坊二座西曰廣利門西建鑾駕庫又西為犧牲所北曰成貞門門外西北建齋宮迤西為壇門一成上皇天上帝南向太祖配神西向二成上從祀四壇東西相向

東大明西夜明次東木火土金水星二十八宿周天

星辰次西雲師雨師風伯雷師

每歲冬至上大祀天於園丘凡國有大事則祭告天壇祠祭署署建於廣利門外之右房十間中為公座傍為官舍嘉靖九年從言官夏言議建園丘遂建今署署官奉祀一員祀丞一員壇戶二十五名國初置天地壇祠祭署奉祀祀丞各一員後改稱南郊祠祭署永樂中京師建天地壇建署於內西天門外之左房十間中為公座傍為官舍改稱郊壇祠祭署已復稱天地壇祠祭署

欽定四庫全書

太常編考
卷一

七

嘉靖九年分祀天地別建今署於園丘壇即廣利門外後

以行祈穀禮於大祀殿

今改為
泰享殿

改天地壇祠祭署稱祈穀

殿祠祭署奉祀祀丞仍各一員壇戶二十五名隆慶元年祈穀禮罷三年裁祈穀殿奉祀祀丞不設壇戶亦隸天壇祠祭署然祭雖罷而壇署猶存故天壇奉祀住於祈穀壇祠祭署兩壇之任總二官並攝舊有守門軍四名萬厯四年本寺卿劉某以園丘修理工完題請巡壇軍役兵部覆奏欽依除守門四名仍舊外撥軍四十名巡邏

陳設

糕
饅
栗
餅

餅
糕
饅頭
胡桃
餅子







糕
饅
栗
餅

司尊卓

祝卓

欽定四庫全書

太常續志
卷一

儀注

祭日合寺官具吉服詣所導引導至正牛房贊引贊詣

盥洗所盥訖贊上香正堂上正牛房香左右少堂上

太廟社稷牛房香畢鼓樂迎至神祠贊引贊就位贊

詣前正堂詣香案前贊上香三上香訖贊復位贊四

拜贊初獻禮執事捧爵跪獻於各神位前贊跪贊讀

祝讀訖贊俯伏興平身贊亞獻禮終獻禮惟儀不讀初獻

贊四拜贊化財贊詣化財所酹酒訖贊禮畢鼓樂導

至犧牲所南門外觀牲畢仍導至廳發看牲牌一面
上書協律等官姓名每日輪二員詣所視滌如法喂

一祝文維
年歲次
月
朔
日太

常寺卿某等致祭於司犧牲之神青山水草之神犧
牲所土地之神曰郊祀所重犧牲為先畜牧豐肥惟
神是賴某等選茲吉辰躬親上滌欽奉上命祭用饋

饒謹用祭告神其鑒之尚享

欽定四庫全書

太常續考
卷一

九

一本寺出香燭果品等物祝文一道降香四炷并

散降香五斤八兩燭二枝四兩燭四枝二兩燭

二十枝胡桃四斤紅棗五斤栗子六斤荔枝三

斤圓眼三斤香油十三斤八兩砂糖四斤白鹽

五兩土城一斤十兩豆粉一斤紅豆一斗麪一

百零三斤木耳細茶各二兩頂花一朶木柴四

百斤木炭五斤人木柴五千斤
寶城縣解木炭二百

五十斤
霸州解折銀
二兩五錢
祝文本紙二張包香黃咨

紙三張糊窓紙一千張北羊一隻豕一口酒二瓶

一執事人員 執事樂舞生十人厨役一十二名是日發看牲牌每日輪流屬官二員詣所視洗牲隻如法喂養務期潔淨以備供祀

一前期五十日題請聖駕親詣園丘壇致祭本如遣官新代則

前期二十日題欽定大臣一員恭代本候旨下行手本知會遣官

一前期一月委協律郎提調樂舞生執事於太和殿朝

欽定四庫全書

太常續考

卷一

夕演習禮樂本寺又題請聖駕於前期五日視牲本

如遣官則行手本知會

一前期十五日本寺題請聖駕於前期三日親詣太廟

告請皇祖配帝本如遣官則行手本知會是日并題於前四日

夜開長安右等門放祭品并執事官員人等本同日

題欽定大臣三員看牲本并題欽定大臣四員分獻

本候旨下各行手本知會

一前期十三日題請聖駕於前期六日預告於太廟詣

南郊視牲上還仍詣太廟參謁前期二日預告於太廟詣南郊大祀上還仍詣太廟參謁本如遣官候旨下各行手本

會知

一前期十日本寺具請神上香官一員導引官二員請

捧正位配位神版官二員請捧從位神版官九員捧

神版出龕官三員職名本題知同日題請聖駕於前

期三日御文華殿致齋前期一日御皇極殿親填祝

版御名本同日進呈儀注籩豆圖本寺官職名登壇

欽定四庫全書

太常續考

卷一

執事官員職名燒火厨役姓名一樣六套萬曆三年本寺會同

禮部同日上在前期二十五日添一題本同日行手本知會分獻大臣俱

於奏祭祀之日候行叩頭禮如遣官代祭亦行手本知會

一本寺詣犧牲所演視牲禮如遣官代祭則不演視牲禮

一前期九日行手本知會鴻臚寺於前期五日請陞殿

奏視牲

一前期四日請陞殿奏祭祀

一行手本知會錦衣衛差官旗於前期二日早詣天壇

擡香輿亭

一前期六日早本寺官具吉服詣太廟寢殿候上致辭

告視牲

按嘉靖中視牲大祀出告回參俱行於景神殿

陳設

燭

高皇帝后

香

成祖帝后

燭

欽定四庫全書

太常續考
卷一

三

睿宗帝后

武宗帝后

世宗帝后

穆宗帝后

神宗帝后

光宗帝后

熹宗帝

俱同前

儀注

是旦上具常服乘輿至太廟門外降輿導引官導上繇

寢殿左門入至拜位內贊奏就位導上詣太祖歷熹

宗香案前俱奏上香跪訖奏復位奏跪贊讀告辭讀

訖奏興奏四拜奏禮畢導上出左門還宮

一告辭祝文

維

年歲次 月 朔

日孝玄孫嗣皇帝御名明日恭詣南郊視大祀牲犧

謹詣祖宗列聖帝后神位前恭預告知

一本寺庫出速香二斤

人牲

二斤燭二枝八兩燭十八

欽定四庫全書

太常續考
卷一

三

枝四兩燭四枝告文紙二張

一執事人員 司香官九員贊讀對引官三員導駕官

六員厨役十九名

一遣官視牲前期五日左寺丞五鼓詣犧牲所陪遣官

視牲天明又陪一遣官看牲前期四日右寺丞陪遣

官看牲

是日如隆慶奏祭祀不陪看牲

前期三日早正卿陪禮部堂

上官看牲畢詣園丘壇演禮詣太和殿演樂卿宿於

公館三鼓同光祿寺候司禮監同看省牲畢具本復

命回衙門候香亭過隨進皇極殿演籙版裝香帛禮

一行揭帖知會司禮監奏視牲并接看牲官員題本

如遣

官代祭則徑進看牲官
員職名本不具揭帖

一前期五日本寺官具公服詣皇極殿候鳴鞭訖跪奏

云太常寺卿臣某等謹奏冬至大祀天於圜丘本日

恭請聖駕視牲請旨承旨又奏看牲官員題本進候

接訖叩三頭一揖一躬退

如遣官代視止奏云太常寺卿臣某等謹進看牲官

員題本不承旨惟叩
三頭一揖一躬退

是日照依本式列寫看牲官員

欽定四庫全書

太常續考

卷一

職名三本封付巡風官送會極門本寺官詣犧牲所

南門外候上視牲

視牲儀注

錦衣衛備隨朝駕如常儀上常服乘輦繇大明門出至

犧牲所轉西南牆角迤東知觀二員叩頭起執提爐

導駕至所南門迤西輦駐鴻臚寺卿跪奏神樂觀樂

舞生叩頭訖錦衣衛官跪奏落輦上降輦禮部尚書

左右侍郎本寺卿少卿導上至所門內西小次少憩

禮部跪奏請視牲同本寺官導上至正牛房香案前

北向立犧牲所喂牲官率軍人牽牛過上前本寺卿

奏大祀牛犢待過畢喂牲官率軍人牽北羊過本寺

卿奏大祀北羊待過畢東西房軍人牽牛入房本寺

卿奏備祭牲導上至鹿房前本寺卿奏大祀鹿導上

至兔房前本寺卿奏大祀兔導上至猪房前本寺卿

奏大祀豚凡奏皆半跪仍導上至小次內少憩出禮

部本寺官導上陞輦錦衣衛官跪奏起輦

欽定四庫全書

太常續考

卷一

一本寺出香燭等物降香六斤

又五

提爐速香一片

檀香三兩八兩燭二枝四兩燭六枝二兩燭十六

枝一兩燭六十枝

上還詣太廟參拜

陳設儀注
俱同告辭

一系辭維

年歲次

月

朔

日孝

玄孫嗣皇帝御名恭視大祀牲犧禮畢恭詣祖宗列

聖帝后神位前謹用參拜

一本寺出香燭及執事人員俱同告辭